

TXOJ KEV MUAB YEXUS KHETOS

TXOJ MOO ZOO

TXUM TIM ROV QAB LOS





- Qhia txoj moo zoo rau tag nrho lub ntiaj teb thiab txhais Vajtswv txoj lus.

Cov yaj saub txais lub **pov thawj hwj**, los sis txoj cai uas cia lawv hais lus thiab ua hauj lwm sawv Vajtswv cev kom thiaj coj tau Nws cov me nyuam txoj hau kev. Cov neeg uas raws cov yaj saub qab yuav txais tej koob hmoov uas Vajtswv twb cog tseg lawm. Cov neeg uas xyeej txoj moo zoo thiab Vajtswv cov yaj saub pov tseg yuav xiam tej koob hmoov ntawd thiab txav deb ntawm Vajtswv. Cov neeg uas tsis kam mloog cov yaj saub thiab tsis kam ua raws li Vajtswv hais yeej nyob hauv ib qho chaw uas hu ua **kev thim txoj moo zoo**.

*Yuav xiam tej kev tseeb
thaum uas tib neeg xyeej
cov yaj saub tseg.*

Tab txawm Nws cov me nyuam coob heev tau xyeej Nws thiab Nws cov yaj saub tseg los, Leej Txiv Saum Ntuj Ceeb Tsheej tseem hlub Nws cov me nyuam. Nws xav muab txhua yam tsav uas peb xav tau kom muaj kev zoo siab tam sim

no rau peb thiab kom peb yuav rov qab mus nrog Nws nyob tom qab peb tuag. Cov vaj lug kub qhia tias Vajtswv muaj ib tug txheej txheem Nws thiaj pab tau Nws cov me nyuam, tab txawm peb tsis mloog lus txhua txhua zaus:

- Vajtswv xaiv ib tug yaj saub.
- Tus yaj saub qhia txoj moo zoo thiab coj cov neeg txoj hau kev.
- Vajtswv foom koob hmoov rau cov neeg.
- Cov neeg pib tsis quav ntsej los sis tsis ua raws li tus yaj saub cov lus qhia. Nyob nyob ces lawv xyeej tus yaj saub thiab nws tej kev qhia tseg thiab pib muaj kev thim txoj moo zoo.
- Vim hais tias muaj kev thim txoj moo zoo, cov neeg thiaj tsis paub txog txoj moo zoo lawm. Ces yuav tau rho txoj cai ntawm lub pov thawj hwj ntawm lawv mus.
- Thaum txog lub sij hawm zoo thiab thaum cov neeg tau npaj siab yuav rov qab ua raws Nws qab dua, Vajtswv xaiv dua lwm tus yaj saub, muab lub pov thawj hwj thiab lub Koom Txoos txum tim rov qab los, thiab txib tus yaj saub kom mus qhia txoj moo zoo.

*Tau muab cov lus uas yog xim liab txhais nyob rau hauv phab ntawv 18 thiab 19.





YEXUS KHETOS TAU TXHIM TSA NWS LUB KOOM TXOOS

Txij thaum Tsim Ntuj Tsim Teb raug, Vajtsvw cov me nyuam tau tos ntsoov qhov uas tus Cawm Seej Yexus Khetos yuav los. Raws nraim li Nws tau cog lus tseg lawm, Leej Txiv Saum Ntuj Ceeb Tsheej tau txib Nws Tib Leeg Tub, Yexus Khetos, los nyob hauv ntiaj teb no ze li 2,000 xyoo tas los lawm.

Yexus Khetos tau ua neej zoo tag nrho, tsis muaj txim txhaum li. Nws tau txhim tsa Nws lub Koom Txoos, tau qhia Nws txoj moo zoo, thiab tau ua ntau yam txuj ci tseem ceeb. Nws tau xaiv kaum ob tug txiv neej los ua Nws cov **Thwj Tim**, kuj muaj Petus, Yakaunpau, thiab Yauhas. Nws tau qhuab qhia lawv thiab tau muab txoj cai ntawm lub pov thawj hwj rau lawv thiaj tau qhia hauv Nws lub npe thiab ua tej **kab ke** dawb ceev, zoo li **kev cai raus dej**.

Thaum Yexus txhim tsa Nws lub Koom Txoos, Nws tau txais kev qhuab qhia los ntawm Leej Txiv Saum Ntuj Ceeb Tsheej los. Ces Nws thiaj tau qhia Nws cov thwj tim. Yexus tau qhia Nws cov ntseeg tias kev tshwm sim uas los ntawm Vajtsvw los twb yog lub pob zeb uas Nws yuav siv ua lub hauv paus rau Nws lub Koom Txoos.

Thaum yuav xaus Nws lub neej, Yexus Khetos raug kev txom nyem thiab tau tuag theej tib neeg ntiaj teb lub txhoj kuj hais

txog txhua tus neeg uas tau ua neej nyob thiab cov uas tseem yuav nyob hauv ntiaj teb no. Txoj kev txi no hu ua **Kev Theej Txhoj**. Dhau ntawm Nws txoj kev txom nyem, kev tuag, thiab **Kev Sawv Rov Los**, tus Cawm Seej ua rau peb thiaj txais tau kev zam txim. Cov neeg uas ntseeg Nws, hloov siab lees txim, thiab ceev Nws cov lus txib yuav txais tau kev zam txim thiab yuav muaj kev thaj yeeb nyob xeeb thiab kev xyiv fab.

Yexus Khetos tau txhim tsa Nws lub Koom Txoos:

- *Nws tau hu thiab tsa cov Thwj Tim.*
- *Nws muab Nws txoj cai rau lawv thiaj tau qhuab qhia thiab muab neeg ua kev cai raus dej. Txoj cai no hu ua lub pov thawj hwj.*
- *Tom qab Nws txoj kev tuag thiab Kev Sawv Rov Los, Nws tseem tau coj cov Thwj Tim dhau ntawm kev tshwm sim.*

*Tau muab cov lus uas yog xim liab txhais nyob rau hauv phab ntawv 18 thiab 19.

Tom qab Nws txoj Kev Sawv Rov Los, Yexus Khetos tau coj Nws cov Thwj Tim dhau ntawm kev tshwm sim. Phau Vaj Lug Kub Npaiv Npaum qhia txog ntau yam uas Nws tau ua kom thiaj coj tau Nws lub Koom Txoos (saib Cov Tub Txib 10; Tshwm Sim 1:1). Yog li ntawd Vajtswv thiaj yog tus uas coj Yexus Khetos lub Koom Txoos es tsis yog tib neeg coj.

TXOJ KEV THIM TXOJ MOO ZOO LOJ

Tom qab Yexus Khetos tuag lawm, cov neeg siab phem tau tsim txom thiab tua lub Koom Txoos coob tug mej zeej. Lub Koom Txoos cov mej zeej tau pib txav zuj zus ntawm tej ntsiab cai uas Yexus Khetos thiab Nws cov Thwj Tim tau qhia. Luag muab cov

Thwj Tim tua tas, thiab txoj cai ntawm lub pov thawj hwj—kuj hais txog cov yuam sij uas coj tau thiab txais tau kev tshwm sim hauv lub Koom Txoos—raug muab rho tawm ntawm lub ntiaj teb mus. Vim hais tias lub Koom Txoos tsis muaj txoj cai ntawm lub pov thawj

Thaum Yexus Khetos cov Thwj Tim tuag mus, qhov tseeb thiaj tau ploj mus dua.

hwj coj lawm, txawm pib muaj tej kev yuam kev hauv lub Koom Txoos tej kev qhia. Tseem muaj ib co neeg siab zoo thiab tej qhov tseeb, tiam sis txoj moo zoo uas Yexus Khetos tau txhim tsa tau ploj mus. Lub caij nyoog no hu ua txoj Kev Thim Txoj Moo Zoo Loj.

Vim muaj txoj kev thim txoj moo zoo neeg thiaj tau tsim ntau lub koom txoos nyias muaj nyias tej kev qhia. Nyob hauv lub caij no, coob tug txiv neej thiab poj niam tau nrhiav qhov tseeb, tiam sis lawv nrhiav tsis tau li. Coob tug neeg siab zoo tau ntseeg Vajtswv thiab Yexus Khetos thiab tau sim to taub thiab qhia qhov tseeb, tiam sis lawv tsis tau muaj tag nrho txoj moo zoo los sis txoj cai ntawm lub pov thawj hwj. Yog li ntawd, txhua tiam neeg thiaj tau txoj kev thim txoj moo zoo vim tias tib neeg tsuas kawm tau tej yam uas lwm tiam neeg qhia tau rau lawv, thiab lawv yeej tau hloov Khetos txoj moo zoo ntau kawg.

Ib txhia neeg uas tau kev tshoov siab, zoo li Martin Luther thiab John Calvin, pom hais tias tej kev cai coj thiab kev qhuab qhia raug muab hloov los sis ploj mus lawm. Lawv tau sim kho cov koom txoos uas lawv nyob hauv. Tiam sis, vim hais tias tsis muaj txoj cai ntawm lub pov thawj hwj, lawv kho tsis tau Khetos txoj moo zoo kom zoo li qhov qub. Ces yeej xav tau ib txoj **kev muab txum tim rov qab los**.

*Tau muab cov lus uas yog xim liab txhais nyob rau hauv phab ntawv 18 thiab 19.

Vajtswo yeej paub tias yuav muaj ib txoj kev thim txoj moo zoo. Dhau ntawm ib tug yaj saub hauv Phau Qub, Nws tau hais tias:

“Saib seb, yuav muaj ib hnuv twg...kuv yuav ua kom lub teb chaws no muaj kev tshaib kev nqhis, tej neeg yuav tshaib tshaib nqhis nqhis, tiam sis tsis yog yuav nqhis dej nqhis mov, lawv yuav tshaib yuav nqhis kuv tej lus:

“Yuav muaj neeg taug kev rau ub rau no, taug puag nram dej hia txwv tuag mus txog ntua hia txwv Meditelanes, taug sab qaum teb mus txog sab hnuv tuaj nrhiv txhua nrho qhov txhia chaw saib puas yuav hnov kuv tej lus qhia tiam sis yuav tsis hnov.”

Amauj 8:11–12



TXOJ KEV MUAB TXOJ MOO ZOO TXUM TIM ROV QAB LOS

Thaum xyoo 1820, ib yam li Nws twb ua yav tas los lawm, Leej Txiv Saum Ntuj Ceeb Tsheej tau xaiv dua ib tug yaj saub uas yuav pab muab txoj moo zoo thiab lub pov thawj hwj txum tim rov qab los nyob hauv ntiaj teb no. Tus yaj saub ntawd muaj npe hu ua Yaucej Xamiv. Thaum tseem ua tub hluas, Yaucej ntxhov siab heev vim txhua lub koom txoos hauv nws cheeb tsam nyias txawv nyias thiab nws xav paub seb lub koom txoos twg muaj tseeb. Vim hais tias nws paub tias nws tsis muaj tswv yim, nws tau ua raws li cov lus ntuas hauv phau Vaj Lug Kub Npaiv Npaum uas hais tias, “Yog nej cov leej twg tsis muaj tswv yim, nws cia li thov Vajtswv, Vajtswv yuav pub tswv yim rau nws, rau qhov Vajtswv yog tus muaj lub siab dawb siab zoo pub ib puas tsav yam rau sawv daws tsis khuv xim hlo li.” (Yakaunpaus 1:5).

Yaucej Xamiv tau txiav txim siab tias nws yuav nug Vajtswv seb nws yuav tsum ua li cas. Thaum Yaucej thov Vajtswv pab nws paub qhov tseeb, Leej Txiv Saum Ntuj Ceeb Tsheej thiab Yexus Khetos tau tshwm sim los xyuas nws. Yexus tau hais kom Yaucej tsis txhob koom ib lub koom txoos twg li, vim “lawv puav leej tsis muaj tseeb” thiab “Lawv los ze kuv nrog lawv tej di ncauj tiam sis lawv tej siab tej ntsws nyob deb ntawm kuv, lawv qhia tej lus qhuab qhia yog neeg ntiaj teb tej lus txib uas muaj ntsis zoo li vaj tswv tej lus, tiam sis lawv tsis kam lees Vajtswv lub hwj chim” (Yaucej Xamiv—Zaj Keeb Puam 1:19).

*Yaucej Xamiv tau pom
Leej Txiv Saum Ntuj Ceeb
Tsheej thiab Yexus Khetos.
Hais txog lub sijhawm no,
nws tau hais tias:*

*“Kuv pom ib lub teeb ci ntsa
iab nyob saum kuv lub taub
hau. Nws ci tshaj lub hnub.
Nws nqi zuj zus los so kiag
ib ncig kuv. Thaum lub teeb
ntawd los so ib ncig kuv
lawd, kuv pom ob Leeg Neeg
uas muaj qhov ci thiab lub
yeeb koob uas kuv tsis pom
qab piv li. Ob Leeg sawv
siab me ntsis ntawm kuv
nrog cov huab cua. Ib tug
hais lus rau kuv tuav kuv
lub npe thiab taw tes rau tus
uas sawv ntawm nws ib sab
thiab hais tias—Tus no yog
Kuv Leej Tub uas Kuv
Hlub Kawg. Mloog Nws!*

**Yaucej Xamiv—Zaj Keeb Puam
1:16–17**

Ib yam li Vajtsv tau ua rau Adas, Nau-es, Anplaham, Mauxes, thiab lwm cov yaj saub, Nws tau hu Yauxej Xamiv los ua ib tug yaj saub uas tau pab muab tag nrho txoj moo zoo txum tim rov qab los.

Txoj Kev Muab lub Pov Thawj Hwj Txum Tim Rov Qab Los

Thaum xyoo 1829, Yauxej Xamiv tau txais tib txoj cai ntawm lub pov thawj hwj uas Yexus Khetos tau muab rau Nws cov Thwj Tim. Yauhas tus uas Muab Neeg Ua Kev Cai Raus Dej, tus uas muab Yexus ua kev cai raus dej, tau tshwm los rau Yauxej Xamiv pom thiab tau muab lub **Pov Thawj Hwj Aloos**, los sis hais tias lub pov thawj hwj qis rau nws. Yav tom ntej Petus, Yakaunpaus, thiab Yauhas (Yexus Khetos peb tug Thwj Tim thaum ub) tau tshwm los rau Yauxej Xamiv pom thiab tau muab lub **Pov Thawj Hwj Mekixedes**, los sis lub pov thawj hwj siab, rau nws.

Tom qab nws tau txais txoj cai ntawm lub pov thawj hwj, Yauxej Xamiv tau txais lus txib kom txhim tsa Yexus Khetos lub Koom Txoos hauv ntiaj teb no dua. Dhau ntawm nws, Yexus Khetos thiaj tau hu Kaum Ob tug Thwj Tim dua.

Yexus Khetos tau xa

*Yauhas tus uas Muab Neeg
Ua Kev Cai Raus Dej thiab
Nws peb tug Thwj Tim los
muab lub pov thawj hwj
txoj cai rau Yauxej Xamiv.*

Ib yam li Yexus Khetos tau coj Nws cov Thwj Tim dhau ntawm kev tshwm sim tom qab Nws txoj Kev Sawv Rov Los, niaj hnuv no Nws tseem coj lub Koom Txoos dhau ntawm cov yaj saub thiab cov thwj tim uas muaj sia nyob. Niaj hnuv no tus Thawj Tswj Hwm ntawm Yexus Khetos lub Koom Txoos ntawm Tsoom Haiv Neeg Ntseeg hauv Hnuv Nyooog Kawg yog tus yaj saub uas

Vajtsv tau xaiv tseg. Nws, nws ob tug pab cuam, thiab Pawg Kaum Ob tug Thwj Tim tuav txoj cai ntawm lub pov thawj hwj uas cov yaj saub thiab cov thwj tim thaum ub tau muaj. Cov txiv neej no yog cov yaj saub, cov neeg pom tau, thiab cov neeg qhia kev tshwm sim

*Tau muab cov lus uas yog xim liab txhais nyob rau hauv phab ntawv 18 thiab 19.

Petus, Yakaunpaus, thiab Yauhas—Yexus Khetos cov Thwj Tim—tau muab lub Pov Thawj Hwj Mekixedes rau Yauxej Xamiv.





PHAU NTAWV MAUMOOS

Ua ib qho ntawm txoj kev muab txoj moo zoo Txum Tim Rov Qab Los, Vajtswv tau coj Phau Ntawv Maumoos: Ib Zag Ua Tim Khawv Ntxiv txog Yexus Khetos los. Los ntawm Vajtswv lub hwj chim, Yauxej Xamiv thiaj tau txhais phau ntawv no ntawm ib phau ceev xwm txheej txog yav thaum ub uas muab sau tseg hauv ib co phiaj kub. Phau Ntawv Maumoos yog “ib phau ceev xwm txheej ntawm Vatswv tej dej num nrog cov neeg thaum ub uas nyob cov teb chaws Amelikas thiab muaj txhij txhua ntawm txoj moo zoo uas kav ib txhis” (zaj qhia tus uas nyeem Phau Ntawv Maumoos).

Phau Ntawv Maumoos ua ib qho tim khawv zoo txog Yexus Khetos. Nws pab peb to taub Nws tej kev qhia, kuj hais txog phau Vaj Lug Kub Npaiv Npaum.

Phau Ntawv Maumoos yog puav pheej uas qhia tseeb tias Yauxej Xamiv tau muab txoj moo zoo Txum Tim Rov Qab Los lawm tiag. Koj yeej kawm tau kom koj paub hais tias Phau Ntawv Maumoos muaj tseeb. Yog tias xav paub li no, koj yuav tsum nyeem phau no, thiab xav txog cov lus qhia, thiab koj yuav tsum muaj lub siab xav paub qhov tseeb. Ces koj yuav tsum thov Leej Txiv Saum Ntuj Ceeb Tsheej seb puas yog Nws cov lus tiag. Thaum koj ua li no, Nws yuav qhia rau koj paub dhau ntawm tus **Vaj Ntsuj Plig Dawb Huv** tias phau no muaj tseeb.

Thaum koj paub tias Phau Ntawv Maumoos muaj tseeb, dhau ntawm tus Vaj Ntsuj Plig Dawb Huv koj kuj yuav kawm paub tias Yauxej Xamiv yog Vajtswv ib tug yaj saub, tias dhau ntawm nws, Yexus Khetos txoj moo zoo raug muab txum tim rov qab los, thiab

Koj muaj cai kawm paub tias tej uas cov tub txib qhia puas muaj tseeb yog tias koj nyeem thiab thov Vajtswv txog Phau Ntawv Maumoos:

“Yog nej yuav thov nrog lub siab dawb paug, nrog txoj kev thov tiag tiag, muaj txoj kev ntseeg Khetos, nws yuav ua kom nej paub qhov tseeb ntawm tej ntawd, los ntawm lub hwj chim ntawm tus Vaj Ntsuj Plig Dawb Huv.

“Thiab los ntawm lub hwj chim ntawm tus Vaj Ntsuj Plig Dawb Huv nej yuav paub qhov tseeb ntawm tag nrho txhua yam.

Maulaunais 10:4–5

*Tau muab cov lus uas yog xim liab txhais nyob rau hauv phab ntawv 18 thiab 19.

tias niaj hnuv no ib tug yaj saub thiab cov thwj tim koj Yexus Khetos lub Koom Txoos ntawm Tsoom Haiv Neeg Ntseeg hauv Hnuv Nyoog Kawg.

KUV YUAV UA LI CAS THIAJ PAUB?

Koj yeej muaj cai paub tias txoj xov no muaj tseeb. Yog tias koj nug koj Leej Txiv Saum Ntuj Ceeb Tsheej thaum koj thov Vajtswv, koj txais tau Nws cov lus teb dhau ntawm tus Vaj Ntsuj Plig Dawb

Kuv Yuav Thov Vajtswv Li Cas?

- *Tuav koj Leej Txiv Saum Ntuj Ceeb Tsheej lub npe*
- *Hais qhia txog tej koj tej kev xav hauv koj nruab siab (kev ris txiaj, cov lus nug, thov kom paub tias Phau Ntawv Maumoos thiab tej yam uas cov tub txib tau qhia muaj tseeb).*
- *Xaus (“Nyob ntawm Yexus Khetos lub npe, amees”).*

Huv. Tus Vaj Ntsuj Plig Dawb Huv uas kuj muaj npe hu ua Vajtswv tus Ntsuj Plig, thiab Nws ib txoj hauv lwm yog ua tim khawv, los sis ua pov thawj, txog qhov tseeb.

Txoj kev kawm paub li no ua tau ib qho txuj ci thiab pauv tau yus lub neej, tiam sis feem ntau tsuas yog ib qho me me uas qhia rau yus paub tseeb, tsis yog Vajtswv yuav nthuav tag nrho nws lub hwj chim. Tus Vaj Ntsuj Plig Dawb Huv qhia qhov tseeb los ntawm tej kev xav, hauv paj hlwb thiab hauv yus lub siab. Ib yam li muaj sau tseg hauv phau Vaj Lug Kub Npaiv Npaum, “Vajtswv tus Ntsuj Plig ua rau neeg muaj lub siab hlub, zoo siab, nyob kaj siab lug, ua siab ntev, muaj lub siab zoo, zoo siab hlo pab luag, ua siab ncaj, tsis khav txiv, thiab

ua rau neeg paub tswj neeg lub siab” (Kalatias 5:22–23). Tej kev xav uas los ntawm tus Vaj Ntsuj Plig Dawb Huv no yog kev tshwm sim uas qhia koj tias Yexus Khetos txoj moo zoo uas Yauxej Xamiv tau muab txum tim rov qab los yeej muaj tseeb. Ces thaum ntawd koj yuav tau txiav txim siab seb koj puas yuav ua raws li tej yam uas koj paub muaj tseeb lawm.



KEV QHIA TXOG COV LUS

Kab Ke Ib txoj kab ke dawb ceev, uas siv txoj cai ntawm lub pov thawj hwj thiaj ua tau. Piv xam hais tias kev cai raus dej.

Kev Cai Raus Dej Ib qho tseem ceeb yuav tsum ua kom thiaj tau kev zam txim rau kev txhaum. Los ntawm txoj kev cai raus dej thiab kev pom zoo ntawm txoj cai ntawm lub pov thawj hwj, peb thiaj peem los ua mej zeej hauv Yexus Khetos lub Koom Txoos ntawm Tsoom Haiv Neeg Ntseeg hauv Hnub Nyooq Kawg. Kev cai raus dej yog kev raus dej kiag, uas txhais tau hais tias tus neeg uas ua kev cai raus dej mus hauv qab thu dej tag nrho. Kev cai raus dej qhia tias peb kam ua raws li Khetos tus yam ntxwv thiab nrog Vajtswv sib khi lus tseg.

Kev Muab Txum Tim Rov Qab Los Kho ib yam kom nws zoo li qhov qub; rov qab txhim tsa li qub; coj rov qab los ua tshiab dua. Tom qab kev tseeb thiab txoj cai tau ploj ntawm lub ntiaj teb mus, txoj moo zoo raug txum tim rov qab los dhau ntawm tus Yaj Saub Yauxej Xamiv. Txoj kev muab txum txim rov qab los txawv kev muab kho xwb vim hais tias *kev muab kho* txhais tau hais tias kho ib lub koom haum los sis ib txoj kev cai sim ua kom zoo li qhov qub, tiam sis *kev muab txum tim rov qab los* txhais tau hais tias txhim tsa kom zoo li qub los sis ua dua tshiab kom lub koom haum los sis txoj cai zoo ib yam li qhov qub.

Kev Sawv Rov Los Tom qab kev tuag ntawm sab nqaij tawv, qhov uas tus ntsuj plig thiab lub cev uas muaj nqaij thiab pob txha uas zoo tag nrho rov qab los sib sau ua ib ke dua. Yexus Khetos yog thawj tus neeg uas tau sawv rov los.

Kev Theej Txhoj Qhov uas cia peb nrog Vajtswv sib raug zoo. Txoj kev theej txhoj yog txoj kev raug txim rau ib qho kev txhaum, ua li thiaj tau tshem kev txhaum ntawm cov neeg uas hloov siab lees txim. Yexus Khetos yog tib tug neeg uas muaj peev xwm ua Kev Theej Txhoj zoo tag nrho rau noob neej sawv daws. Nws txoj Kev Theej Txhoj muaj Nws txoj kev raug txom nyem rau peb tej kev txhaum, qhov uas Nws los ntshav nrog, thiab Nws txoj kev tuag thiab Kev Sawv Rov Los. Vim hais tias muaj Kev Theej Txhoj, txhua tus neeg uas tau ua neej nyob yeej yuav sawv rov los thiab. Txoj Kev Theej Txhoj kuj ua rau peb thiaj txais tau kev zam txim rau peb tej kev txhaum thiab nrog Vajtswv nyob ua ke tas mus li.

Kev Thim Txoj Moo Zoo Thaum cov neeg, lub Koom Txoos, los sis tag nrho ib lub teb chaws tso tseg los sis muab Yexus Khetos txoj moo zoo yeej tseg. Kev thim txoj moo zoo ua kom muaj kev sib cais, kev ntxhov

siab, thiab xiam txoj cai ntawm lub pov thawj hwj, los sis hais tias tsis muaj cai ua hauj lwm sawv Vajtswv cev.

Kev Tshwm Sim Qhov uas Vajtswv thiab Nws cov me nyuam sib txuas lus, feem ntau yog dhaug ntawm tus Vaj Ntsuj Plig Dawb Huv. Tib neeg txais tau kev tshwm sim rau lawv lub neej, tiam sis yog Vajtswv tus yaj saub nkaus xwb uas txais tau kev tshwm sim rau tag nrho lub ntiag teb. Muaj ntau txoj kev tshwm sim, tiam sis feem ntau kev tshwm sim yog tej kev xav hauv paj hlwb, hauv lub siab, thiab kev tshoov siab.

Lub Pov Thawj Hwj Vajtswv txoj cai thiab lub hwj chim. Vajtswv muab lub hwj chim no rau tib neeg kom ua tej yam hauv Nws lub npe. Yauhas tus uas Muab Neeg Ua Kev Cai Raus Dej, tus uas tau muab Yexus ua kev cai raus dej, tau muab lub Pov Thawj Hwj Aloos txum tim rov qab los rau Yauxej Xamiv. Petus, Yakaunpaus, thiab Yauhas, uas yog peb tug ntawm Yexus cov Thwj Tim tau muab lub Pov Thawj Hwj Mekixedes txum tim rov qab los.

Lub Pov Thawj Hwj Aloos Lub pov thawj hwj qis dua. Lub pov thawj hwj no muaj txoj cai uas cia yus muab neeg ua kev cai raus dej thiab tau lub npe raws li Aloos uas nyob hauv phau Vaj Lug Kub Npaiv Npaum hauv Phau Qub.

Lub Pov Thawj Hwj Mekixedes Lub pov thawj hwj siab dua los sis loj dua. Tau lub npe raws li Mekixedes uas yog ib tug pov thawj hlob thiab vaj ntxwv hauv phau Vaj Lug Kub Npaiv Npaum hauv Phau Qub.

Thwj Tim Yog lub npe uas Yexus Khetos tau muab rau kaum ob tug txiv neej uas Nws tau xaiv ua Nws cov pab coj thaum Nws tseem nyob hauv ntiag teb no thiab Nws tau muab txoj cai rau lawv thiaj tau ua hauj lwm sawv Nws cev. Niaj hnuab no, Yexus Khetos tau hu lwm cov txiv neej los ua Nws cov Thwj Tim. Ib yam li thaum ub, ib tug Thwj Tim yog ib tug neeg tim khawv tshwj xeeb txog Yexus Khetos thiab yeej tau txoj cai los ntawm Nws los.

Txoj Moo Zoo Leej Txiv Saum Ntuj Ceeb Tsheej txoj hau kev uas pab peb muaj kev thaj yeeb nyab xeeb hauv lub neej no thiab kev xyiv fab hauv lub neej nyob mus ib txhis. Lub hauv paus rau txoj moo zoo yeej yog Yexus Khetos txoj Kev Theej Txhoj thiab txoj moo zoo yeej hais kom peb yuav ntseeg Nws, hloov siab lees txim, ua kev cai raus dej, txais tus Vaj Ntsuj Plig Dawb Huv, thiab nyiaj kom mus txog thaum kawg.

Vaj Ntsuj Plig Dawb Huv Kuj muaj npe hu ua tus Ntsuj Plig Dawb Huv, Vajtswv tus Ntsuj Plig, thiab tus Nplij Siab thiab. Nws ua tim khawv, los sis ua pov thawj, txog Leej Txiv Saum Ntuj Ceeb Tsheej thiab Yexus Khetos thiab tshwm sim thiab qhia txog qhov tseeb.

TXOJ KEV KAWM NTXIV

Cov lus nug thiab nqe vaj lug kub nram qab no yuav pab koj kawm ntxiv txog tej ntsiab cai hauv daim ntawv no thiab ntsuam xav txog tej no. Daim no tsis qhia txhij txhua; cov ntawv hauv qab thiab cov ntawv uas qhia txog lwm cov nqe vaj lug kub yuav pab koj mus rau lwm cov nqe thiab ntaub ntawv uas yuav pab koj.

Qhov uas koj paub tias Vajtswv yog koj Leej Txiv Saum Ntuj Ceeb Tsheej ua rau koj xav li cas?

Malakis 2:10 (Phau Vaj Lug Kub Npaiv Npaum, Phau Qub)

Hinplus 12:9–10 (Phau Vaj Lug Kub Npaiv Npaum, Phau Tshiab)

Ib tug yaj saub muaj ntiag tug hauv lwm dab tsi? Vim li cas thiaj tseem ceeb rau yus paub tias Vajtswv hais lus rau cov yaj saub?

Amauj 3:7 (Phau Vaj Lug Kub Npaiv Npaum, Phau Qub)

Jacob 4:4–6 (Phau Ntawv Maumoos, phab 165–166)

Txoj kev muaj txoj cai ntawm lub pov thawj hwj txhais tau li cas?

Ib tug neeg ua li cas thiaj txais tau txoj cai no?

Mathais 10:1 (Phau Vaj Lug Kub Npaiv Npaum, Phau Tshiab)

Yauhas 15:16 (Phau Vaj Lug Kub Npaiv Npaum, Phau Tshiab)

Muaj xwm dab tsi thaum txoj cai ploy mus?

Amauj 8:11–12 (Phau Vaj Lug Kub Npaiv Npaum, Phau Qub)

1 Nifais 13:24–29 (Phau Ntawv Maumoos, phab 33)

Yexus cov Thwj Tim puas tau paub hais tias yuav muaj kev thim txoj moo zoo?

Cov Tub Txib 20:28–31 (Phau Vaj Lug Kub Npaiv Npaum, Phau Tshiab)

2 Thexalaunikes 2:2–3 (Phau Vaj Lug Kub Npaiv Npaum, Phau Tshiab)

2 Timautes 4:3–4 (Phau Vaj Lug Kub Npaiv Npaum, Phau Tshiab)

Koj xav li cas vim koj paub tias dhau ntawm Yauxej Xamiv txoj kev pab nws thiaj tau muab Yexus Khetos txoj moo zoo txum tim rov qab los?

Tus Yaj Saub Yauxej Xamiv zaj Lus Tim Khawv (daim ntawv)

Phau Ntawv Maumoos yog dab tsi? Phau no ua li cas thiaj ua tim khawv txog qhov uas Yauxej Xamiv raug hu los ua ib tug yaj saub?

Phau Ntawv Maumoos phab ntawv qhia phau ntawv lub npe

Phau Ntawv Maumoos zaj qhia tus uas nyeem

Tus Vaj Ntsuj Plig Dawb Huv muaj ntiag tug hauj lwm li cas?

Amas 5:45–47 (Phau Ntawv Maumoos, phab 296)

Maulaunais 10:3–5 (Phau Ntawv Maumoos, phab 730)

CIA LI NROG PEB TEEV TIAM

TUAJ THIAB SAIB SEB TXOJ MOO ZOO UAS
RAUG TXUM TIM ROV QAB LOS LAWM FOOM
TAU KOOB HMOOV LI CAS RAU KOJ LUB NEEJ



Txoj kev sib ntsib noj lub cim nco txog yog qhov tseem ceeb tshaj plaws ntawm peb txoj kev teev tiam. Feem ntau kev sib ntsib no kav ib xuab moos tawm thiab yuav muaj tej yam zoo li no:

Zaj nkauj qhuas Vajtsww: Pawg ntseeg sawv daws sib koom hu.
(Yeej muaj tej phau nkauj rau sawv daws.)

Kev thov Vajtsww: Cov mej zeej hauv lub Koom Txoos yog cov uas thov.

Lub cim nco txog: Yuav foom koob hmoov rau khob cij thiab dej ces yais rau sawv daws noj thiab haus kom thiaj nco txog Yexus Khetos txoj Kev Theej Txhoj.

Cov neeg hais lus: Feem ntau yuav xub thov ib los sis ob tug mej zeej los hais lus txog tej ntsiab cai ntawm txoj moo zoo.

Hnav khaub ncaws li cas: Feem ntau cov txiv neej thiab cov tub hnav ib cev xuv los sis ris zoo thiab ib lub tsho thiab txoj kas las vav. Cov poj niam thiab ntxhais hnav tiab tsho los sis daim tiab.

Lawv yeej tsis thov nyiaj hauv tej kev teev tiam no.

Peb kuj caw koj tuaj koom lwm txoj kev sib ntsib, nyob ntawm seb koj xav kawm li cas thiab muaj hnuv nyooq li cas. Txhua qhov chaw nyias muaj nyias tej kev sib ntsib no.

Hnuv Caiv Kev Kawm Vaj Lug Kub: Tej hoob rau kev kawm cov vaj lug kub thiab cov lus qhuab qhia ntawm txoj moo zoo.

Kev sib ntsib rau lub Pov Thawj Hwj: Tej hoob rau cov txiv neej thiab tub hluas uas muaj 12 xyoos rov saum.

Koom Haum Niam Tsev: Tej hoob rau cov poj niam uas muaj 18 xyoo rov saum.

Koom Haum Ntxhais Hluas: Tej hoob rau cov ntxhais hluas uas muaj 12 mus rau 18 xyoo.

Koom Haum Me Nyuam Yaus: Kev sib ntsib ua ke thiab tej hoob rau cov me nyuam uas muaj 3 mus rau 11 xyoos. Feem ntau yuav muaj ib hoob zov cov me nyuam uas muaj 18 hli mus rau 3 xyoos.



Txoj kev sib ntsib noj lub cim nco txog pib thaum: _____

Tsev teev ntuj chaw nyob yog: _____

VAJTSWV YOG KOJ LEEJ TXIV SAUM NTUJ CEEB TSHEEJ UAS HLUB KOJ

Vajtswv yog koj Leej Txiv Saum Ntuj Ceeb Tsheej. Nws paub koj thiab hlub koj tshaj qhov koj xav. Nws xav kom koj yuav muaj kev zoo siab hauv lub neej no thiab tas mus ib txhis li.

Xwv kom thiaj ua raws li lub ntsiab no, Leej Txiv Saum Ntuj Ceeb Tsheej tau npaj ib txoj hau kev uas muaj npe hu ua Yexus Khetos **txoj moo zoo***. Yexus Khetos yog Vajtswv Leej Tub; Nws lub neej thiab tej kev qhia yog qhov uas yuav koj kev thaj yeeb nyab xeeb los rau hauv lub neej no thiab kev xyiv fab hauv lub neej nyob mus ib txhis.

*Leej Txiv Saum Ntuj Ceeb
Tsheej tau koj rov qab—muab
txum tim rov qab los—tej
kev tseeb uas koj kawm tau
thiab ua neej nyob raws li
hais. Txij thaum chiv keeb
los nws tau qhia tej kev tseeb
no rau cov yaj saub.*

TXOJ MOO ZOO YEEJ FOOM KOOB HMOOV RAU TSEV NEEG THIAB TIB NEEG

Yexus Khetos txoj moo zoo yeej foom koob hmoov rau txhua tus neeg uas kam txais thiab ua raws li nws qhia. Ib qho chaw uas zoo qhia thiab muab txoj moo zoo nruab rau hauv yus lub neej yog nyob rau hauv yus tsev neeg. Vajtswv tau txhim tsa kom muaj tsev neeg xwv kom Nws thiaj koj tau kev zoo siab los rau Nws cov me nyuam, yuav cia peb muaj kev hlub thaum peb tseem kawm tej ntsiab cai tseeb, thiab npaj peb rov qab mus nrog Nws nyob tom qab peb tuag. Txawm hais tias muaj tej lub sij hawm thaum peb tsev neeg tsis sib raug zoo los, Leej Txiv Saum Ntuj Ceeb Tsheej tseem foom koob hmoov rau peb thaum peb sim ua raws li Yexus Khetos tej kev qhia. Tej kev qhia no pab ntxiv dag ntxiv zog rau peb tsev neeg.


LEEJ TXIV SAUM NTUJ CEEB TSHEEJ QHIA NWS TXOJ MOO ZOO

Nyob rau hauv Nws txoj hau kev, Vajtswv xaiv cov yaj saub, zoo li Adas, Nau-es, Anplaham, thiab Mauxes. Cov yaj saub:

- Qhia txog Vajtswv thiab yog cov neeg uas ua tim khawv tshwj xeeb txog Nws Leej Tub, Yexus Khetos.
- Txais **kev tshwm sim**, los sis kev koj qhia los ntawm tus Tswv los.

*Tau muab cov lus uas yog xim liab txhais nyob rau hauv phab ntawv 18 thiab 19.

Kuv Yuav Tsum Ua Li Cas?



- Nyeem Phau Ntawv Maumoos.

Yaum kom nyeem tej no: _____

- Thov Vajtsww nug seb Yauxej Xamiv puas tau yog ib tug yaj saub thiab seb Phau Ntawv Maumoos puas yog Vajtsww txoj lus.
- Mus xyuas lub koom txoos.
- Xyuas seb koj puas yuav ua raws li tus Cawm Seej hais thiab los ua kev cai raus dej. Yuav ua kev cai raus dej hnuv twg:

- Xyuas www.mormon.org kom thiaj kawm tau ntxiv txog Yexus Khetos txoj moo zoo uas raug muab txum tim rov qab los lawm.
- Rau siab nrog cov tub txib sib ntsib ua ke kom thiaj kawm tau ntxiv txog tej kev tseeb uas Vajtsww tau muab txum tim rov qab los rau cov yaj saub hauv lub caij nyoog kawg no.

Rov qab teem caij thaum: _____

Cov tub txib tej npe thiab naj npawb xov tooj:

YEXUS KHETOS

LUB KOOM TXOOS
NTAWM TSOOM
HAIV NEEG NTSEEG
HAUV HNUB NYOOG KAWG

www.mormon.org

Cov Kws Kos Duab

Daim pilhaub tom hau ntej: Tus Yaj Uas Ploj Mus, tus kos yog Del Parson. © Del Parson. Tsis bxbob muab luam tawm
Phab 5: Tau los ntawm Tus Yaj Saub Ohia brog Kev Yug Khetos, tus kos yog Harry Anderson
Phab 6: Tau los ntawm Khetos Tab Tom Tsa Kaum Ob tug Thwv Tim, tus kos yog Harry Anderson
Phab 13: Tau los ntawm Txoj Kev Muab lub Pov Thawj Hwj Mekkedes Txum Tim Rov Qab Los, tus kos yog Kenneth Rilely
Phab 14: Tau los ntawm Yexus Khetos Tuaj Xyuas tej Teb Chaws Amelikas, tus kos yog John Scott

HMONG



01140 295 6